



Pavilion REIT memperkenalkan Pavilion Loves E.A.R.T.H. dengan pelancaran Inisiatif Kompos Makanannya atau Food Compost Initiative di Pavilion Bukit Jalil. Ianya merupakan penyelesaian alam sekitar bagi pengurusan sisa makanan yang mapan, melebarkan lagi komitmennya ke arah penjagaan alam sekitar.

PAVILION REIT mengambil langkah mapan ke arah Inisiatif Kompos Makanan

Matlamat Pavilion Loves E.A.R.T.H. ditumpukan ke arah pengurangan jejak alam sekitar Pavilion REIT melalui pengurusan sumber yang bertanggungjawab, pengurangan karbon dan perlindungan biodiversiti. Inisiatif tersebut merupakan yang pertama dibawah platform ini serta melaungkan komitmen Pavilion REIT ke arah Alam Sekitar (Environment), mencetus Kesedaran (Awareness), memacu Pembaharuan (Renewal), menginspirasi Perubahan (Transformation), dan memupuk Harapan (Hope) yang membentuk EARTH.

Inisiatif Kompos Makanan ini melengkapkan objekti-objekti ini dengan menawarkan penyelesaian setempat dan cekap terhadap pengurusan sisa makanan. Dengan mengalihkan sisa makanan dari tapak pelupusan dan menukarkannya kepada kompos yang kaya dengan nutrisi, Pavilion REIT boleh mengurangkan sisa ke tahap minimum serta mengurangkan jejak karbonnya. Inisiatif ini merupakan satu langkah yang penting ke arah menyerap kemapangan ke dalam rangka kerja pengendaliannya.

Diinspirasi daripada kejayaan kempen Pavilion Loves Sustainability Merdeka, Pavilion REIT mengiktiraf keperluan mendesak untuk menangani cabaran sisa makanan dan berbangga memperkenalkan teknologi pengkomposan termaju ke semua pemilikannya. Inisiatif Kompos

Makanan akan mengubah cara sisa makanan diuruskan, mengurangkan kesan alam sekitar dan menyumbang ke arah masa depan yang lebih hijau.

Ciri-ciri utama Inisiatif Kompos Makanan Pavilion REIT:

Sisa makanan dikumpulkan setiap hari dari semua pasar raya, medan selera, dan outlet makanan di dalam gedung milik Pavilion REIT (Pavilion Kuala Lumpur Mall, Intermark Mall & Pavilion Bukit Jalil).

Mesin pengkomposan makanan menukarkan 1,000 kilogram (1 tan) sisa makanan kepada baja organik kaya dengan nutrien seberat 200 kilogram sesuai untuk tanaman, serta 800 liter air setiap hari - mengalihkannya dari tapak pelupusan sekaligus menyumbang kepada prinsip peredaran ekonomi.

Mesin pengkomposan makanan adalah mesin lestari yang dikuasakan oleh panel solar yang dipasang di atasnya. Air yang terhasil oleh sistem ini menjalankan dua peranan — membersihkan laluan ke kawasan pemunggahan dan menyiram tanaman. Ini memastikan peredaran lengkap menukar sisa makanan kepada baja dan air.

Terdapat tangki penuaian air untuk AHU yang berhampiran dengan mesin pengkomposan makanan. Tangki ini mengumpul air AHU dan air hujan khusus untuk membersihkan laluan ke



kawasan pemunggahan.

Hadir semasa pelancaran Inisiatif Kompos Makanan adalah ahli-ahli lembaga pengarah Pavilion REIT iaitu Dato' Seri Mohamed Azahari bin Mohamed Kamil, Dato' Choo Choo Siong, Dato' Mearia Hamzah dan Madam Baljeet Kaur; bersama Ketua Pegawai Eksekutif Pavilion REIT Dato' Philip Ho; Ketua Pegawai Eksekutif bagi Peruncit, Kuala Lumpur Pavilion Sdn. Bhd. iaitu Dato' Joyce Yap; para penyewa seperti The Food Merchant, Food Republic dan MBC.

Turut hadir adalah rakan dan pemegang taruh termasuk wakil daripada Stadium Nasional Bukit Jalil, Sapuan bin Mat; Pengarah Jabatan Pembangunan Landskap dan Rekreasi Dewan Bandaraya Kuala Lumpur, Tuan Haji Zulkifli bin Endut, serta Penolong Pengarah, Jabatan Pembangunan Landskap dan Rekreasi DBKL, Puteri Khairul Fathiah.

"Sebagai warga korporat yang bertanggungjawab, kami menyedari keperluan untuk menangani cabaran sisa makanan dan menyumbang kepada masa depan yang mapan. Melalui inisiatif ini, kami menganggarkan gedung Pavilion REIT menghalang pembuangan sisa makanan seberat 365,000 kilogram di tapak pelupusan, sebaliknya menghasilkan 73,000 kilogram baja organik dan 292,000 liter air dalam setahun secara kolektif," kata Dato' Seri Mohamed Azahari yang juga merupakan pengarah bebas bukan eksekutif Pavilion REIT.

Untuk meningkatkan kesedaran, pakej sampel baja organik bernutrien tinggi disediakan kepada pembeli secara percuma di Kaunter Concierge, Aras 1, Pavilion Bukit Jalil.

